

宣  
統  
新  
疆  
圖  
志

新疆圖志卷六十五

土壤一

西域萬山叢錯洪荒水雪凝沍徧巖谷歷古不化中天之世十

日並出

舊唐書

金石流火山焦荒寒之氣變爲炎煥竊意當日天山

南北萬年不解之凍一旦崩釋汎濫四注匯爲巨海於是洪水之禍遂爲全世大劫自天降神禹察水之性行地注海以奠山

川原野既瀦

即今之湖廣

大地呈露禹貢所云織皮岷崙析支渠搜西

戎卽敘

王肅注曰禹伐西戎卽敘水說大經不復汎汎

卽此時也間嘗走沙陀覽戈壁入廣漠之

野蹕不毛之地其間見有地學家所謂粗面碎屑紅斑離散砂

頁花崗諸巖一切火成水成諸石比比皆是蓋古初洪水懷山

襄陵長波怒濤挾石而下葱嶺以東縱橫數萬里悉爲澤國斷

可信也周秦以前西域諸部復隔聲教之外蹕轍罕通莫可稽

考逮於漢武始開西城之迹荀悅漢紀載其地小國二十七小

者七百戶大者千戶次大國九小者千餘戶大者六七千戶哀

平之際稍分至五十餘國其間田土氣候水草五穀果菜之屬漢書西域傳紀之尤詳自茲而降歷代經營西域鋪張遠畧無與民事其於全疆地域廣輪之數山林川澤邱陵墳衍原隰五地之物生十有二壤所宜之種率闕而不書論者謂中國有君史而無民史此其類也

國朝勘定準回實兵塞下闢草萊任土地漢番雜處生齒滋繁洎乎花門亂生四境糜爛老弱死溝壑壯者委鋒鏑農輟馬穀畎澮荒蕪生靈元氣耗喪殆盡陝甘總督左公宗棠驅戰勝之師削夷大難謂曩昔治兵之官多治民之官少乃建議改設郡縣以與民休息光緒十一年新疆巡撫劉公錦棠創建行省招集流亡開荒濬渠耕牧並作二十餘年以來地益加闢人益加聚竊論新疆大勢天山之北地氣寒冽宜於牧天山之南地氣暑溼宜於耕然觀全疆土宜皆殖五穀黍稷稻粱麥菽胡麻之屬長穗碩實滿車滿篝而大藪具區豐草彌望無際南北郡邑

所在皆是蓋全疆之地皆宜耕牧而牧之利尤大且厚若夫莎車英吉沙爾葉城皮山和闐洛浦之蠶桑吐魯番之麻棉葡萄哈密之瓜焉耆庫車之梨杏葉城之石榴綏來甯遠之蘋婆類皆垂名西域中外商賈販易絲棉毛革者迹屬於道洵土著之佳植物產之巨宗而鹽澤之利家給人足不假財力生之有道爲之得法庶富之效可馴致也曾子曰有人此有土有土此有財有財此有用今攷世界地理諸書新疆面積四百四十九萬一千一百方里以五百四十畝爲一方里計之現墾之田僅二百二十五分之一耳此其故不在於無土實在於無人無人則雖有土與無土等耳財出於土而土出於人新疆地廣民稀勞來生聚實邊之策蓋莫有先於此者今取周官土會土宜之法分晰列表爲今之有守土責者察焉

土宜

鎮迪道屬

迪化府

六屬共三十三萬零六百二十五方里

迪化縣

厥土惟騂剛厥田宜稻麥菽高粱青稞胡麻其果蔬宜西瓜甜瓜  
倭瓜其木宜松榆楊

奇臺縣

厥土埴埴厥田宜麥靡豌豆黍菽其果蔬宜瓜其木松榆楊柳

阜康縣

厥土騂剛厥田宜麥高粱豌豆粟靡胡麻其果蔬宜瓜桃其木宜

榆柳松

孚遠縣

厥土埴埴厥田宜麥靡高粱青稞豌豆苜蓿其果蔬宜西瓜甜瓜  
其木宜榆柳

昌吉縣

厥土駢剛厥田宜稻粱菽麥黍稷胡麻其果蓏宜打瓜其木宜榆楊

謹案土質東南西駢剛北鄉埴塶

呼圖壁縣丞

厥土埴塶厥田宜稻麥藎高粱豌豆芝麻其果蓏宜西瓜甜瓜打瓜蘋婆桃葡萄其木宜榆楊柳松

綏來縣

厥土駢剛厥田宜稻麥菽高粱芝麻其果蓏宜西瓜蘋婆桃杏葡萄沙棗其木宜松榆楊柳其藥宜貝母

庫爾喀喇烏蘇廳

厥土駢剛厥田宜稻麥粟糜高粱包穀豌豆蕎麥芝麻胡麻其果蓏宜蘋婆葡萄沙棗西瓜甜瓜其木宜桑榆楊柳

鎮西廳

厥土黃壤厥田宜小麥青稞豌豆菜籽其木宜松柏

哈密廳

厥土黃壤黑墳厥田宜麥菽高粱青稞其果蔬宜桃杏葡萄石榴

甜瓜西瓜其木宜桑榆楊柳

吐魯番廳

厥土黃壤白墳埴塿厥田宜麥菽高粱芝麻棉花其果蔬宜西瓜

甜瓜葡萄蘋婆桃杏梨石榴其木宜桑榆楊柳其藥宜紅花

鄯善縣

厥土黃壤白墳厥田宜麥稌高粱芝麻木棉其果蔬宜葡萄

桃李梨杏石榴西瓜甜瓜其木宜松桐桑榆楊柳

謹案土壤東西北鄉黃壤南鄉白墳土宜均同而南鄉樹木尤

多

伊塔道屬

伊犁府

無領地所有在甯綏二縣內

綏定縣

厥土埴墁厥田宜稻麥豆黍糜包穀胡麻芝麻其果蓏宜西瓜甜瓜葡萄梨杏沙棗蘋婆李其木宜松榆楊柳杉桑

甯遠縣

厥土埴墁厥田宜稻麥靡豌豆胡麻高粱包穀其果蓏宜桃杏西瓜甜瓜其木宜榆楊桑柳

精河廳

厥土駢剛厥田宜稻麥粟靡高粱豌豆胡麻苜蓿其果蓏宜西瓜甜瓜葡萄蘋婆桃杏沙棗其木宜榆楊桐柳

塔城廳

厥土埴墁厥田宜麥菽包穀其果蓏宜西瓜甜瓜洋瓜其木宜松檜樺楊柳桃杏

謹案桃杏花而不實故不列於果屬

霍爾果斯廳

無糧地故未列

熟地

鎮迪道屬

迪化府

迪化縣

原額四十七萬八千七百九十三畝四分光緒三十一年冊報升  
科一十七萬三千六百三十八畝五分三十一年以後新墾五千  
三百九十六畝

謹案原額者指同治初年回亂以前而言亂後招民墾種有承  
認兩三戶之地而捏報一戶者當時寬以招徠其畝數多未覈  
實邇歲新疆生齒日繁而隱種如故南疆蓋尤甚焉迪化自光  
緒十二年州升爲府增設迪化縣以迪化州原額地四十五萬  
七千三百七十畝七分悉歸縣轄十五年烏魯木齊滿管遷古  
城凡在迪化境內之滿管隨缺各等地二萬一千四百二十二

畝七分亦歸縣徵糧自是并爲額地四十七萬八千七百九十  
三畝四分

昌吉縣

原額三十九萬四千四百七十畝八分二釐光緒三十一年冊報  
升科八萬九千二十九畝六分七釐三十一年以後新墾五千三  
百七十二畝八分一釐

呼圖壁縣丞

原額一十萬八千三百八十八畝光緒三十一年冊報升科五萬  
二千二百七十一畝七分三十一一年以後新墾二千八百畝八分  
綏來縣

原額三十六萬五千四十一畝光緒三十一年冊報升科一十二  
萬二千四百六十三畝四分二釐

阜康縣

原額一十一萬二千九百四十八畝二分八釐光緒三十一年冊

報升科四萬二千七百二十五畝六分四釐三十一年以後新墾  
一萬四千八百六十七畝三分五毫

孚遠縣

原額二十八萬一千三百五十三畝九分五釐光緒三十一年冊  
報升科一十一萬一千六百八十三畝二分三釐

奇臺縣

原額三十六萬一千九百一十八畝六分三釐光緒三十一年冊  
報升科一十八萬七千七百一十六畝八分一釐三十一年以後  
新墾二萬二千六百四十五畝三分四釐

鎮西廳

原額六萬五千四百六十六畝二分四釐光緒三十一年冊報升  
科四萬一千二百二畝一分

哈密廳

原額一萬一千三百廿二畝六分光緒三十一年冊報升科如額

庫爾喀喇烏蘇廳

原額一萬一千六百三十畝光緒三十一年冊報升科九千一百二十畝三十一年以後新墾八百三十畝

吐魯番廳

原額三十五萬一千六百六十八畝九分九釐光緒三十一年冊報升科一十八萬六千七百四畝二分

謹案吐魯番廳原額地畝內光緒二十八年改闢展巡檢爲鄯善縣分地一十三萬五千七百四畝一分三釐歸鄯善縣轄三十一年復分焉耆府地二百一十五畝歸吐魯番廳轄

鄯善縣

光緒三十一年冊報升科一十二萬九千六百一十七畝九分三十一一年以後新墾三千八百九十一畝六分

伊塔道屬

綏定縣

光緒三十一年冊報升科二萬三千二百五十畝

謹案綏定於光緒十三年設縣二十四年初次冊報墾熟上中下三等地共二萬七千六百五十畝均於二十三年全數升科至三十一年已升科之熟地報明四千四百畝復荒

甯遠縣

光緒三十一年冊報升科二十五萬七千九百九十九畝一分三十一一年以後新墾六萬六千一十二畝六分三釐

謹案甯遠於光緒十三年設縣十八年初次冊報升科二十萬五千四百四十七畝二分七釐三毫十九年因已報升科之地有與滿營屯地糾葛者勘去三千一百八十二畝七分六釐七毫二十年又勘去七千六百四十二畝六分九釐一毫自是與滿營勘分清楚二十一年新墾報升科二萬六千二百二十三畝八分九釐九毫二十四年新墾報升科三萬七千一百五十三畝三分八釐六毫共計已升科地二十五萬七千九百九十

九畝一分今仍此數

精河廳

原額四千三百五十畝光緒三十一年冊報升科三千一百四十六畝三分五釐三十一年以後新墾八百五十六畝八分七釐塔城廳

光緒三十一年冊報升科四萬七百三十九畝四分四釐三十一年以後新墾二千五百八十畝五釐

荒地

鎮迪道屬

迪化府

迪化縣

二十九萬九千七百五十八畝九分

謹案荒地指原額之已熟復荒者而言凡戈壁中可墾之地甚多不在此數

昌吉縣

三十萬六十八畝三分四釐

呼圖壁縣丞

五萬三千三百一十五畝五分

綏來縣

二十四萬二千五百七十七畝五分八釐

阜康縣

五萬五千三百五十五畝三分三釐五毫

孚遠縣

一十六萬九千六百七十畝七分二釐

奇臺縣

一十五萬一千五百五十六畝四分八釐

鎮西廳

二萬四千二百六十四畝一分四釐

哈密廳

無荒地

庫爾喀喇烏蘇廳

一千六百八十畝

吐魯番廳

二萬九千四百七十五畝六分六釐

鄯善縣

二千一百九十四畝六分三釐

伊塔道屬

綏定縣

四千四百畝

甯遠縣

無荒地

精河廳

三百四十六畝七分八釐

塔城廳

無荒地

戈壁

鎮迪道屬

迪化府

迪化縣

五千四百五十餘方里

昌吉縣

八千餘方里

呼圖壁縣丞

二萬餘方里

綏來縣

二萬九千五百方里

阜康縣

約四千餘方里

孚遠縣

一千八百餘方里

奇臺縣

一萬三千五百餘方里

鎮西廳

治西鄉有戈壁縱二百七十里橫一十五里北鄉戈壁縱一百五十里橫十里及北界科布多大戈壁等占約四萬三千餘方里

庫爾喀喇烏蘇廳

二萬餘方里

哈密廳

二十餘萬方里

吐魯番廳

六萬二千餘方里

鄯善縣

一十一萬餘方里

伊塔道屬

綏定縣

一萬四千餘方里

甯遠縣

三萬二千三百餘方里

精河廳

一萬七千五百方里

塔城廳

二萬三千五百餘方里

山川

鎮廸道屬

迪化府

迪化縣

二萬六千七百餘方里

昌吉縣

五千五百餘方里

呼圖壁縣丞

六千六百方里

綏來縣

四萬一千四百餘方里

阜康縣

一萬餘方里

孚遠縣

一萬餘方里

奇臺縣

四萬餘方里

鎮西廳

一十萬餘方里

哈密廳

一十一萬餘方里

庫爾喀喇烏蘇廳

一萬八千四百餘方里

吐魯番廳

二萬二千餘方里

鄯善縣

五萬三千餘方里

伊塔道屬

綏定縣

二萬二千八百餘方里

甯遠縣

七萬八千餘方里

精河廳

三萬七千方里

塔城廳

一十三萬七千餘方里

澤縣

鎮迪道屬

迪化府

迪化縣

八段湖馬廠湖縱橫約八萬四千四百五十餘方里

昌吉縣

治北有白家海子縱橫各約六里又草湖三曰小渠子縱橫各五里曰貞上莊湖縱七里橫三里曰貞下莊湖縱十里橫二十里治

南廟兒溝山內有草地一縱約六十里橫約百里連各渠泉等共約占五千三百餘方里

呼圖壁縣丞

五千三百餘方里

綏來縣

治西北有阿雅爾淖爾縱橫三百餘里又治西有葦湖草湖五處鈴鐺湖花樹林子石河子馬廠湖張家尾溝共縱橫約六七十里及河泉渠池等約占四萬三千三百餘方里

阜康縣

縣西頭工之北及縣東九運街之西北並五工梁之正北均係草湖草地縱橫約七十里及各處海子渠泉等共約九千餘方里孚遠縣

五廠湖在西北境自縣北上暖泉至此均係草湖草地縱橫斷續約一百餘里又各渠泉共約八千餘方里

奇臺縣

黃草湖在西北戈壁中縱約八九十里橫約一百四五十里

合一方里

元湖在北戈壁中縱約五六十里

合三方里

芨芨湖在東北縱約六七

十里橫約一百餘里

合二萬方里

共約占二萬八千餘方里

鎮西廳

治北有巴爾庫淖爾周約四十餘里西北草湖縱七十里橫一十里鹽池縱橫各十里及泉渠等約共占九千三百餘方里

哈密廳

二千三百餘方里

庫爾喀喇烏蘇廳

三萬一千餘方里

吐魯番廳

底湖在城南自湖至南山均係鹹灘間有鹽池其縱二百五十里橫一百二十里克里山大河沿兩草場在城北各縱橫十餘里都

崗湖草場在城西縱十里橫八里大草湖黃草湖伊拉湖夾爾蓋四處草場亦在縣治西各縱橫七八里連坎渠等泉共約二萬七千餘方里

鄯善縣

二萬二千餘方里治東有鹽池縱約十五六里橫約六七里南湖北湖均在魯克沁南湖鹹灘縱橫四十餘里北湖鹹灘縱橫三十餘里連坎兒泉渠草灘共同前數

伊塔道屬

綏定縣

一萬五千五百餘方里

甯遠縣

阿布拉什葦湖縱二十餘里橫十餘里巴彥岱西南黃草湖縱五十里橫二十餘里共三萬一千餘方里

精河廳

二萬七千八百方里

塔城廳

七萬二千餘方里

新疆圖志卷六十六

土壤二

土宜

阿克蘇道屬

溫宿府

厥土埴埴厥田宜稻麥包穀胡麻木棉青稞豌豆芝蔴其果苾葡萄桃杏梨蘋婆沙棗西瓜甜瓜其木桑榆楊柳

溫宿縣

厥土埴埴厥田宜稻麥包穀胡麻棉花其果苾宜西瓜甜瓜葡萄沙棗杏核桃榴其木宜桑楊柳松杉榆

柯爾坪縣丞

厥土勃壤駉剛厥田宜麥靡高粱青稞胡麻苜蓿棉花其果苾宜西瓜甜瓜桃杏沙棗其木宜桑楊

拜城縣

厥土勃壤駢剛厥田宜小麥包穀胡麻菜子菸葉木棉其果蓏西  
瓜其木桑榆楊柳

焉耆府

厥土地墮鹹澆厥田宜稻麥包穀靡青稞苜蓿棉花其果蓏宜西  
瓜甜瓜蘋婆桃杏梨沙棗小紅棗其木宜桑榆楊柳胡桐  
輪臺縣

厥土勃壤厥田宜小麥包穀胡麻菜籽棉花其果蓏宜西瓜甜瓜  
倭瓜胡盧葡萄沙棗桃杏李梅其木宜桑榆楊柳

謹案土壤東北鄉色微黑西南鄉色微白均含沙質

新平縣

厥土地墮鹹澆厥田宜稻麥包穀菜籽其木宜紅柳胡桐  
姑羌縣

厥土白墳埴墮赤緹厥田宜稻麥靡高粱包穀青稞苜蓿棉麻其  
果蓏宜西瓜甜瓜葡萄蘋婆桃杏沙棗其木宜楊柳胡桐

庫車州

厥土黃壤厥田宜稻麥包穀木棉其果蓏宜梨杏桃李棗甜瓜其木宜桑榆楊柳

沙雅縣

厥土白墳厥田宜稻麥靡菽高粱包穀青稞胡麻菜籽木棉其果蓏宜梨杏桃梅葡萄蘋婆核桃沙棗西瓜甜瓜其木宜桑楊柳烏什廳

厥土白墳厥田宜稻麥包穀胡麻棉花其果蓏宜西瓜甜瓜葡萄杏核桃沙棗其木宜桑楊柳

喀什噶爾道屬

疏勒府

厥土白墳厥田宜稻麥高粱包穀胡麻木棉其果蓏宜梨杏桃葡萄蘋婆核桃石榴酸棗西瓜甜瓜其木宜桑榆楊柳胡桐

疏附縣

厥土白墳厥田宜稻麥包穀高粱胡麻棉花其果蓏宜瓜葡萄沙  
棗其木宜桑榆楊柳松杉槐柏

伽師縣

厥土地墮厥田宜稻麥包穀胡麻木棉其果蓏宜桃梨蘋婆葡萄  
西瓜甜瓜其木宜桑榆胡桐楊柳

莎車府

厥土地墮厥田宜稻麥包穀胡麻菽木棉其果蓏宜葡萄甜瓜

蒲犁廳

厥土地墮厥田宜麥菽青稞

葉城縣

厥土白墳赤緹地墮厥田宜稻麥包穀青稞胡麻棉花其果蓏宜  
瓜葡萄桃杏核桃石榴其木宜桑榆柳

皮山縣

厥土勃壤駟厥田宜麥包穀豆青稞菜籽苜蓿棉花其果蓏宜

瓜葡萄桃杏梨核桃石榴沙棗其木宜桑楊柳

和闐州

厥土勃壤駢剛厥田宜稻麥包穀青稞胡麻木棉其果蔬宜梨桃杏李酸梅酸棗蘋婆石榴櫻桃葡萄西瓜甜瓜其木宜桑柏楊柳于闐縣

厥土勃壤駢剛厥田宜麥包穀木棉其果蔬宜桃李杏葡萄西瓜甜瓜其木宜桑槐榆楊柳

洛浦縣

厥土勃壤駢剛厥田宜小麥包穀青稞胡麻其果蔬宜西瓜甜瓜匏瓜葡萄杏李桃梨沙棗其木宜楊桑柳

英吉沙爾廳

厥土勃壤駢剛厥田宜稻麥包穀胡麻苜蓿棉花其果蔬宜西瓜甜瓜葡萄桃杏梨核桃沙棗其木桑楊柳柏

巴楚州

隸疏  
州府

厥土鹹鹵厥田宜稻麥包穀青稞胡麻木棉其果蒺宜桃梨梅杏  
蘋婆葡萄沙棗西瓜甜瓜其木宜桑榆楊柳胡桐

熟地

阿克蘇道屬

溫宿府

光緒三十一年冊報升科五十四萬六千五百四十八畝三分六釐

謹案溫宿州光緒十四年冊報已墾熟地九十八萬七千九百七十四畝六分六釐二十四年分阿雅和爾莊河西各村地四萬七千九百二十二畝二分五釐歸烏什廳轄二十八年州升爲府增設溫宿縣及柯爾坪縣丞府分地五十四萬六千五百四十八畝三分六釐縣分地三十七萬四千六百二十五畝縣丞分地一萬八千八百七十九畝五釐

溫宿縣



新平縣

光緒三十一年以後新墾八千七百九十三畝三分

謹案新平縣於光緒二十四年新設並無他縣額分地畝

婁羞縣

光緒三十一年以後新墾二萬二百九十四畝三分

謹案婁羞縣卽喀克里克縣承故治光緒二十八年改縣並無

他縣額分地畝

庫車州

光緒三十一年冊報升科六十三萬七千一百十二畝六分四釐

謹案庫車廳光緒十四年初次冊報升科一百一十三萬五千

五百二十二畝九分六釐光緒二十八年廳改爲州增設沙雅

縣分地三十一萬五千三十七畝九分七釐歸沙雅縣轄

沙雅縣

光緒三十一年冊報升科三十一萬五千三十七畝九分七釐

烏什廳

光緒三十一年冊報升科四十七萬六千七百三十畝六分七釐  
喀什噶爾道屬

疏勒府

光緒三十一年冊報升科五十五萬一千一百三十九畝三分  
謹案疏勒州光緒十四年初次冊報升科六十四萬五千五百  
一十三畝九分九釐光緒二十八年州升爲府增設伽師縣分  
英吉沙爾廳地一十四萬六千一百五十二畝六釐分疏附縣  
地一萬四千四百七十畝九分七釐歸疏勒府轄復分疏勒府  
地二十五萬四千九百九十七畝七分二釐歸伽師縣轄

疏附縣

光緒三十一年冊報升科五十六萬九千三百九十三畝九分八  
釐三十一年以後新墾二萬一千一百四十六畝三分

謹案疏附縣光緒十四年初次冊報升科七十萬三千七百七

十九畝三分六釐二十五年被水冲刷三千三百九十二畝三分一釐二十八年分地一萬四千四百七十畝九分七釐歸疏勒府轄又分地十一萬六千五百二十二畝一分歸伽師縣轄  
伽師縣

光緒三十一年冊報升科三十七萬一千五百十九畝八分二釐  
莎車府

光緒三十一年冊報升科九十五萬九百七十四畝一分二釐  
謹案莎車州舊墾一百七萬五千七百二十三畝五分三釐光緒二十八年州升爲府分地一十二萬四千七百四十九畝四分一釐歸葉城縣轄  
分一釐歸葉城縣轄

葉城縣

光緒三十一年冊報升科八十七萬八千四百八畝一分九釐三十一年以後新墾一萬五千二百九十八畝

謹案葉城縣光緒十四年初次冊報升科百五萬三千七百廿

一畝六釐十六年被水冲沒九百七十畝三分三釐共計熟地  
百五萬二千七百五十畝七分三釐二十八年增設皮山縣分  
莎車州地十二萬四千七百四十九畝四分一釐歸葉城縣轄  
分葉城縣地二十九萬九千九十一畝九分五釐歸皮山縣轄  
皮山縣

光緒三十一年冊報升科二十九萬九千九十一畝九分五釐三  
十三年以後新墾五萬五千一百六十五畝二分

### 和闐州

光緒三十一年冊報升科五十六萬三千三十五畝六分七釐三  
十一年以後新墾五萬二千六十五畝六分五釐

謹案和闐州光緒十四年初次冊報升科六十二萬四千六百  
四十一畝一分六釐二十八年增設洛浦縣分地六萬一千六  
百五畝四分九釐歸洛浦縣轄

### 于闐縣

光緒三十一年冊報升科五十三萬九百三十一畝七分三十一年以後新墾四萬六千八百六十三畝三分九釐

謹案于闐縣光緒十四年初次冊報升科七十四萬二千三百九十六畝四分五釐十六年增報升科萬二千九百七十四畝二分七釐共計熟地七十五萬五千三百七十畝七分二釐二十八分地二十二萬四千四百三十九畝二釐歸洛浦縣轄洛浦縣

光緒三十一年冊報升科二十八萬六千四十四畝五分一釐三十一年以後新墾二萬七千二百八十七畝一分

### 英吉沙爾廳

光緒三十一年冊報升科四十八萬一十六畝七分三十一年以後新墾一萬二百五十五畝

謹案英吉沙爾廳舊墾六十二萬六千六百六十八畝七分六釐光緒廿八年分地十四萬六千六百五十二畝六釐歸疏勒府轄

巴楚州

光緒三十一年冊報升科一十八萬四千一百一十三畝七分五釐三十一年以後新墾一萬六千四百一十三畝五分九釐

荒地

阿克蘇道屬

溫宿府

三萬三千餘畝

溫宿縣

一十一萬八千六百餘畝

柯爾坪縣丞

一萬九千五百餘畝

拜城縣

六萬一千二百餘畝

焉耆府

七萬七百七十五畝三分

輪臺縣

三千四百餘畝

新平縣

二萬四千四百餘畝

婁羌縣

五萬五千五百畝

庫車州

一十八萬三千三百七十二畝六分四釐

沙雅縣

一十萬七千餘畝

烏什廳

七萬一千七百餘畝

外有布魯特荒地二二萬畝

喀什噶爾道屬

疏勒府

無荒地

疏附縣

一十一萬八千二百八十九畝

伽師縣

無荒地

莎車府

無荒地

蒲犁廳

無荒地

葉城縣

七萬八千八百餘畝

皮山縣

七千八十五畝

和闐州

二萬二千八百一十八畝七釐

于闐縣

七千餘畝

洛浦縣

三萬餘畝

英吉沙爾廳

三萬一千三百餘畝

巴楚州

隸沙雅府

五十餘萬畝

戈壁

阿克蘇道屬

溫宿府

三萬七千餘方里

溫宿縣

四千五百餘方里

柯爾坪縣丞

二千五百餘方里

拜城縣

東鄉河色爾戈壁縱橫約百里賽里木戈壁縱橫約四十里布幹莊戈壁縱橫約五十里南鄉卡托克戈壁縱橫九十里西鄉霞石罕戈壁三十里蔡爾齊戈壁縱橫約六十里托和奈旦戈壁縱橫約八十里北鄉哈拉河里村戈壁縱橫三十餘里明布拉可戈壁縱橫四十餘里鐵布斯村戈壁縱橫三十里鐵鐵托拉村戈壁縱橫約百里共約一萬四千餘方里

焉耆府

曲惠莊一處縱約六十餘里橫約四十餘里紫泥泉一處縱六十

餘里橫四五十里連各處共約三萬六千五百餘方里

輪臺縣

三萬一千方里

新平縣

八萬三千四百餘方里

婼羌縣

二十一萬一千餘方里

庫車州

阿爾巴臺迤東一處縱七十里橫二百四十里迤北一處縱百餘里橫三十里哈爾巴臺迤北二處一縱百餘里橫六十里一縱五十里橫七十里托和奈臺迤北二處一縱一百五十里橫七十里一縱六十里橫四十里城西一處縱一百三十里橫二十里共一萬三千餘方里

沙雅縣

四萬一千七百餘方里

烏什廳

一萬餘方里

喀什噶爾道屬

疏勒府

約有六處共約一萬餘方里

疏附縣

二萬一千餘方里

案托古薩克莊正西一處縱三十五里橫六十二里烏帕爾莊  
正東一處縱二十四里橫六十三里玉都巴什卡一處縱五十  
六里橫六十八里塔什密里克莊南一處縱四十二里橫十二  
里五分又莊北一處縱二十六里橫十五里賽爾滿莊西北一  
處縱三十七里橫二十四里木什素魯克莊北一處縱八十四  
里橫二十六里又莊東一處縱六里五分橫四里八分又二村

中一處縱四十八里橫十一里五分霍爾罕莊西北一處縱四十三里橫二十八里玉斯圖阿爾圖什莊東一處縱二十三里橫十五里伯什克勒木莊一處縱一里二分橫十五里其餘山內處處所有之戈壁共約前數

伽師縣

六千餘方里

莎車府

一萬五千餘方里

蒲犁廳

東鄉牙合咬勒克驛有大戈壁一縱百餘里橫六七十里其餘沙磧數處縱橫十里八里不等共約一萬六千餘方里

葉城縣

共縱五六十里橫一百四五十里共約二萬四千餘方里

皮山縣

五萬九千餘方里

和闐州

八萬七千五百方里

于闐縣

七十二萬餘方里

洛浦縣

四萬二千餘方里

英吉沙爾廳

一萬二千二百餘方里

巴楚州

縣府

東鄉自十臺起至柯坪界一望平沙約縱二百三四十里橫二百四五十里南鄉自五臺起至葉城界一百三十里又鐵里木華起至蘆席院子一百四五十里均係河灘其餘沙磧數處各三四里四五里不等共約四萬四千餘方里

澤藪

阿克蘇道屬

溫宿府

二萬五千餘方里

溫宿縣

三萬四千五百餘方里

柯爾坪縣丞

一千四百餘方里

拜城縣

南鄉曲剪蘆草湖縱橫五里庫依瓦蘆草湖縱橫五里連河渠等

約占五百餘方里

焉耆府

蒙部草廠草湖連新平輪臺嬉羌焉耆共占地約九萬三千九百餘方里茲除蒙部不計外淨本府治所有海子湖河泉渠藪澤等

約占地五萬五千餘方里

輪臺縣

一萬九千餘方里

新平縣

四萬五千五百餘方里

婁羌縣

羅布淖爾水道記云廣袤約三百里連各種水道泉渠草地等約共占地一十二萬三千餘方里

庫車州

東鄉草湖一處縱一百六十里橫二百四十里南鄉淖爾一處縱三十餘里橫里許草湖一處縱一百二十里橫六十里西鄉草湖一處縱一百一十里橫六十里連河渠等共約萬餘方里

沙雅縣

二萬餘方里

烏什廳

三萬八千餘方里

喀什噶爾道屬

疏勒府

淖爾一周六十餘里巴依托海莊葦湖一縱約二三里橫約里餘  
塔斯渾莊葦湖二共縱十餘里橫六七里岳普爾湖莊鹹灘草地  
二共縱三十餘里橫十餘里別什幹莊鹹灘草地一縱十餘里橫  
二十餘里共約二千六百餘方里

疏附縣

四萬二千餘方里

案伯什克勒木莊草地縱二里四分橫一里一分玉斯圖阿爾  
圖什莊西北有草湖一縱四里五分橫三里二分托古薩克莊  
各小村共有草場七處各縱橫里餘或七八分不等烏帕爾莊  
有草場一縱一里橫三分二釐玉都巴什卡有提標牧馬草場

一縱二里八分橫一里六分于魯克奇卡草場一縱五里橫二里四分鐵里木河北有協營牧馬草湖一縱二里三分橫四里五分連各處泉湖河渠等共約占前數

伽師縣

一萬五千餘方里

莎車府

九千餘方里

蒲犁廳

本境二十七村莊卽二十七草場大或縱橫百餘里小或數十里不等共約三萬三千五百餘方里

葉城縣

牙斯東草湖一縱三十里橫十五里穆蒙克草湖一縱六七里橫十二三里喬普莊草湖三十八處均相連共縱十七八里橫一百一十里烏素侶叙草湖一縱四五里橫十里玉隆草湖二十七處

均相連共縱十八九里橫三十里苦都格草湖六處共縱八九里橫二十里消爾宿草湖五處共縱三四里橫七八里烏紗巴什草湖七處共縱二十八九里橫十四五里共約二萬二千餘方里  
皮山縣

一萬五千八百餘方里

和闐州

二萬六千五百餘方里

于闐縣

六萬六千餘方里

洛浦縣

二萬一千八百餘方里

英吉沙爾廳

九千七百餘方里

巴楚州

東鄉蘇河湖縱三十里橫二十餘里紅海縱二十餘里橫十三四里枯焦力塔草湖縱二十餘里橫十六七里十二臺黃草湖縱一百二三十里橫六七十里十臺黑孜草湖縱八十里橫四十里南鄉白各布草湖縱一百里橫八十里阿吉托和拉克草湖項下苦木草湖可可卡里草湖縱各三四十里橫各二三十里共約四萬四千五百餘方里

山川

阿克蘇道屬

溫宿府

一千餘方里

溫宿縣

二萬二千餘方里

柯爾坪縣丞

八千五百餘方里

拜城縣

三萬二千餘方里

焉耆府

一十二萬二千餘方里

輪臺縣

二千餘方里

新平縣

一萬五千八百餘方里

婁羌縣

一十五萬餘方里

庫車州

一萬二千餘方里

沙雅縣

無山所有川道並於澤數內算

烏什廳

三萬五千餘方里

喀什噶爾道屬

疏勒府

二千二百餘方里

疏附縣

九萬八千餘方里

伽師縣

三千二百餘方里

莎車府

四十餘方里

蒲犁廳

七萬餘方里

葉城縣

六萬五千餘方里

皮山縣

七萬二千餘方里

和闐州

十萬餘方里

于闐縣

五十四萬餘方里

洛浦縣

四百二十餘方里

英吉沙爾廳

一萬四千五百餘方里

巴楚州

巴楚州

二萬餘方里

新疆圖志卷六十七

水道一

和闐河

和闐河二源一源出昌器滿達坂一源出後藏北境雪山會爲和闐河

和闐漢魏以來皆曰于闐史記大宛傳于寘東水東流注鹽澤鹽澤潛行地下其南則河源出焉漢書張騫傳使窮河源其山多玉石采來天子案古圖書名河所出山曰崑崙西域傳河有兩源一出葱嶺山一出于闐于闐在南山下其河北流與葱嶺河合東注蒲昌海蒲昌海一名鹽澤又云從鄯善傍南山北波河西行至莎車爲南道水經河水又從葱嶺出而東北流其源出于闐國南山北流與葱嶺所出河合又東注蒲昌海酈注河水又東與于闐河合南源道于闐南山俗謂之仇摩置自置北流逕于闐國西又西北流注于河諸說皆指今和闐河也西

域圖志和闐達里雅源出皮什雅南五十里南山中北流將近皮什雅城南分爲二道夾城而過城東曰玉瓏喀什郭勒城西曰哈喇喀什郭勒新疆識畧和闐河出和闐南山北流爲和闐河凡二源皆出呢蟬依山和闐鄉土志玉瓏喀什哈喇喀什同發源本境南呢蟬依山山在城南六十五里按喀什噶爾道分至道里圖和闐河哈喇喀什一源出昌器滿達坂西北山峽內在和闐城西南距城一千里玉瓏喀什一源出後藏北境雪山在和闐城東南距城四百八十里兩源相距約五百里非呢蟬依山也西域圖志謂一源至皮什雅城南始分爲二道亦誤漢魏以來諸史言和闐河與葱嶺河並重皆指爲黃河初源而得其源者甚罕近著鄉土志亦潦草不足觀也

一源出後藏之北境雪山南伊西里庫爾海子西北流經和闐城

東

即凱里

曰玉瓏喀什河

伊西里庫爾海子卽西域圖志之葉什勒庫勒今名伊克池在

于闐南克里雅山下西北流者爲玉璫哈什河源出源西北流  
北史西域傳于闐城東三十里有首拔河中出玉石石一作石又云  
于闐城東二十里有大水北流號樹枝水卽黃河也一名計式  
水大唐西域記王城東南百餘里有大河西北流國人利之以  
用溉田玉璫哈什元史作玉璫傑赤卽今玉璫哈什也皇輿西  
域圖志玉璫哈什郭勒爲和闐達里雅上流出皮什雅南五十  
里南山中與哈喇哈什分道經皮什雅城東北流六十里至玉  
璫哈什城南又分爲二夾城流六十里復合爲一北至喀提里  
什東哈喇哈什郭勒自西南來會之入和闐達里雅其流經玉  
璫哈什城東處二里出白玉又云今玉璫哈什郭勒在伊里  
齊城東南境上北入和闐達里雅中分兩流行六十里復合其  
西流爲魏書樹枝水則東流應屬首拔河水道記引後魏書以  
樹枝水爲東源達利水爲西源新疆識畧和闐河凡二源皆出  
呢蟬依山東支北流經伊里城東玉璫哈什城西是爲玉璫哈

什河經勒沁托海玉色格爾雅爾長四百四十里又云樹枝水  
卽今玉璫哈什河在和闐城東一十五里其源出于闐屬西南  
大冰山下伊西里庫爾北行二百里至合塔斯阿克子南入境  
折而西北流二百五十里至卡浪古達坂西大橋北有卡古浪  
水合哈拉哈什水自西南入之又北流四十里有泥沙水自西  
南入之又流一十五里至皮素絲山有弼西水合布牙水自東  
南入之布牙水卽古城南小海子又流三十里有切取水自西  
南入之切取水卽塔克塔哈水又東北流四十里有鐵領爾冰  
哈水自東南入之又流四十里至白自雅卡折而西北流四十  
五里至伊里齊城東爲玉璫哈什河之玉河又流三十五里至  
紀雅卡又名一桿旗又流一十五里至巴什闐干又流六十里  
至雅滿布克闐干又流五十里至巴斯泊瑪瓦特闐干又流六  
十里至厄格雅又流五十里至伙食拉食泊與哈拉哈什河會  
按皮什雅南作一水分爲二河謂出皮什南五十里南山中皮

什雅卽和闐州圖之必自雅所謂皮什南五十里南山者卽樂春達坂也較之西伊里庫爾約短縮四百五十餘里喀什道分至道里圖但知出後藏雪山而不能名其源之所在自以新疆圖說出伊西里庫爾爲得其真然伊西里庫爾之源仍在南山之南探源豈有盡哉新疆識畧鄉土志均謂和闐二源悉出呢蟒依山呢蟒依山在和闐西南乃另一哈拉喀什支水之源與二河無涉玉璫喀什一河源流支水惟新疆圖說最詳西域圖志旣以西流爲樹枝水東流屬苜拔河又謂樹枝水卽今玉璫喀什郭勒語涉兩歧玉璫喀什乃東流也應以後說爲是與水道記合大小胡麻地向產美玉皆與玉璫喀什河通流舊屬和闐今劃歸洛浦縣矣

一源出昌器滿達坂北麓東北流經和闐城西曰哈拉喀什河

北史西域傳于闐國城西十五里

舊唐書作五十五里

亦有大水名達利水與

樹枝水會俱北流晉高居誨使于闐記河源所出至于闐分爲

三東曰白玉河西曰綠玉河又西曰烏玉河西域圖志哈拉哈什郭勒亦和闐達里雅上流與玉璫哈什郭勒同源異流經皮什雅城西北流六十里至哈喇哈什城南亦分爲二夾城而流城東之河距城二里東北流至喀提里什入於和闐達里雅又云樹枝河卽今玉璫哈什郭勒達利水卽今哈喇哈什郭勒水流分合及兩水東西相距以古驗今若合符節水道記額里齊城南五百八十里有察克瑪克曲底雪山所謂南山也漢書曰于闐在南山下西域記謂之雪山水經注謂之仇摩置山有谷一曰桑谷在西一曰樹雅在東二地東北距額里齊城四百廿里出水分流出谷而會東北流三百餘里逕敖扎特卡倫東又東北流三十里逕待達克卡倫西阿哈薩爾卡倫東又北流分爲二西支西北流七十里逕哈喇哈什城西三十里阜窪勒軍台爲阜窪勒河復北流至哈拉三入沙磧東支東北流逕額里齊城西十八里又西北流七十里逕哈喇哈什城東又東北四

十餘里逕瑪咱爾卡倫西又北流至額克里雅爾與東源會新  
疆識畧西支北流分二支一支經哈喇哈什城西三十里名維  
瓦河水皆黃色回語名賽勒克蘇復北流至哈拉三入沙磧一  
支經哈拉哈什城東伊里齊城西十八里南城隍廟是爲哈拉哈什  
河亦經勒沁托海至色格爾雅爾長六百八十里與玉瓏哈什  
河合又云達利河卽今哈拉哈什河新疆圖說哈拉哈什河在  
和闐城西六十里其源出葉城屬八沙拉克達坂南冰山東流  
一百餘里至托滿有普下水自南入之又流三十里有庫布哈  
水自南入之又流四十里有雅拉阿特水自南入之又北流四  
十有一品水自南入之又東流六十里至普其牙莊又流四  
十里有胡爾水自南入之又曲折東流百里至藍玉莊又曲折  
北流三十里至排扎拉哇提卡倫西又北流九十里經哈拉哈  
什莊東北流五十里至白而司克又流五十里至卡羅又流四  
十里至薩依又流四十里經勒沁托海北戈壁至卡浪古托拉

和闐圖哈喇哈什河發源察察嶺西在玉璫哈什河源之西南  
初西北流又西流至阿吉藍西南布拉克巴什南有一水西北  
流來入之又西北流有一水北流來入之又西北流經松條爾  
即松南又經康西伯南西北流入莎車葉城界又西北流折而東  
北流復入和闐界又東北流有二水自南來入之又東北流經  
伙什依勒南普其月又作其牙北漸東流經阿卡提阿玉拉沙依北  
又經下哈立克東南有一源出庫布哈達坂東南一品達坂西  
南東北流經一品達坂多拉達坂東麓東北流來匯卽新疆圖  
說之藍玉水也圖說藍玉水在城西南一百四十里源出默特  
斯山東北流二百里至藍玉莊與哈拉哈什河會此哈拉哈什  
河自南而北之正源也不應列爲支水旣合經和闐城西至卡  
浪古拉和拉東與玉璫哈什河相會按水經注於和闐河僅言  
出于闐南山卽仇摩置魏晉以前均不能詳其源水道記於哈  
拉哈什一源謂出自察克瑪克曲底雪山距額里齊城五十八

里已遠於呢蟠依山新疆圖說謂出自八沙拉克達坂更遠於  
屈底雪山喀什道分至道里圖謂昌器滿達坂西北麓西流之  
水皆哈喇喀什河源又遠於八沙拉克達坂矣喀什圖載昌器  
滿達坂爲退擺特北境大山大山北麓沿山水皆西北流約二  
百里折而東北流至塔勒塔什古子布拉克布拉克巴什四山  
之水匯爲海子大小凡九有西北流入於河者又東北流至松  
角爾南距昌器滿達坂六百八十里又折而西北流一百里至  
康西伯南又西北流七十里至康挖克南又七十里至古魯巴  
霞南沿奇博里素蓋提兩達坂東北麓仍西北流又八十里至  
桑圖拉東折而北流有一水自八沙特達坂東北流來入之卽  
新疆圖說之哈拉喀什河源也八沙特達坂水旣入折而東流  
凡卡拉胡魯木達坂東北麓小水皆入之又東北流有一水自  
南來入之又東北流經哈拉喀什莊東又北流至伏什拉什北  
與玉璫喀什會玉璫喀什發源後藏北山南麓在和闐東西北流出山

有一水發源松角爾東南山北麓東流來入之又西北流又西  
流又折而北流又東北流有二水西北流來入之又東北流有  
一水東流來入之又東北流至玉瓏哈什莊西爲玉瓏哈什河  
又東北流經和闐城東由州城至昌器滿達坂千一百里至玉  
瓏哈什河源四百八十里又北流至伏什拉什莊北與哈喇哈  
什河會既會西北流又北流又東北流出和闐界東流微偏北  
五百五十里至喀巴鄂克赤洲即喀巴克與葱嶺南河北河阿克蘇  
河會李原鈔勘界公牘由素蓋提向東行七十里至古魯巴霞  
麻札俄國古又行九十里至康挖克又行瑪格什又行八十里至康西  
伯又行八十里至松角爾俄國柴草俱盛南山麓有鉛鑛向東南  
行八十里至阿不多闐干柴草更蕃地多鹺又五十里至色勒  
格蘇諸南山北流黃泥水隆冬不竭即哈拉哈什河源也仍東  
行二十餘里往東北行有通和闐之路仍向東南行十餘里至  
阿吉闐干柴草無多有三大石倚石砌有牆垣數處以東石山

中之清水由此伏流至色勒格蘇水會亦哈拉哈什河源也向正南上山坡平坦山路過小達坂土人云向東北行有通于閼之道計八十里至布拉可巴什柴草俱無有數泉流入小冰海泉邊青草無多向西南行八十里至克子布拉可山麓皆紅土有數小海水碧色味鹹結又行一百一十里平坦鹹戈壁至塔勒得又行七十里平坦山路至克奇克庫里亦有數泉流十餘里伏泉邊青草難供一騎仍向西南行四十里平坦山路轉向正南六十里土戈壁一帶風甚烈早晚結冰六月披裘疑爲崑岡絕頂也過小土達坂二十餘里仍土戈壁柴草俱無昌器滿達坂諸山中之水由此繞向東流漸有高峰順山溝向東南三十餘里轉正南折西南六十餘里至昌器滿達坂通退擺特柴草全無用羅經測準子午騎崙卯酉過徑水分東西流東流屬中諸峯巒雪盛夏不消按喀什圖於玉隴哈什一源長短畧同水道記而地名里數尙不及新疆圖說之詳惟於哈喇哈

什一河探源昌器滿達坂與和闐舊圖同然尙不如勘界公牘  
身歷其境歷歷如繪也昌器滿達坂在和闐南微偏西喀什圖  
哈拉喀什河源在昌器滿達坂西北和闐圖將河源移在東北  
蓋昌器滿達坂東北哈拉喀什河源之東有一幹山自東而西  
四山圍繞山之南北麓澗谷分注非西入哈喇喀什河別無出  
水之路謂發源昌器滿東北更增三百餘里矣水道記哈喇哈  
什至阿哈薩爾卡倫又北流分二支西支爲阜窪勒河西域圖  
志阜窪勒譯斯騰在哈拉喀什河西卽哈喇喀什河分流北行  
百餘里而止不通他河又謂卽晉高居誨使于闐記之烏玉河  
水道記圖內列爲哈喇喀什支河又引張匡鄴行程記爲證卽  
新疆圖說之雜瓦河也圖說雜瓦河在城西八十八里其源從  
伯爾藏莊渠東哈拉喀什河分支西北流六十里至雜瓦驛又  
西北流一百三十里至可布拉克闐于伏於戈壁雜瓦驛卽阜  
窪軍台距和闐城九十四里此河新圖多不載或視爲渠道或

誤作東南流既係一河分出自應列爲哈喇哈什支河

二源既滙是爲和闐河北流又東北流入溫宿境至噶巴克阿克集與葱嶺河阿克蘇河會

玉璫哈什河至玉璫哈什西哈拉哈什河至卡浪古拉和拉東中爲伙什拉什二河交會既會北流經阿黑巴什東又北流經麻札塔哈東又北流過大樹林又北流經區音特勒克西卡拉哈斯地東入戈壁又東北流經必底列克塔哈東又東北流經波羅長梗鴉洛悟司孔東又東北流經子里卻亞可東北入溫宿境西域圖志玉璫哈拉郭勒哈喇哈什郭勒俱北流四百里至喀提里什兩河交會是爲和闐達里雅又北流五百里西會葉爾羌謬折騰折而東流千有餘里入羅布淖爾水道記二河各東北流二百餘里而合又東北逕卡塔里齊山之東又東北逕塔克立克爾之東又東北逕巴什博克邑之東地皆沙磧合流凡四百餘里又東北與西來之喀什噶爾河葉爾羌河會新

疆識略二水合流數百里至噶巴克阿克集與喀什葉爾羌之水會新疆圖說至卡浪古托和拉又曲流四十里至阿黑巴什又流七十里至麻札塔哈又流九十里至卡拉阿斯地又流四十里至區音特勒克又流三十里至白底列克塔哈又流五十四里至波羅長梗又流八十四里至鴉落悟司孔又流五十四里至卻亞可又流三十里至子里入溫宿境就哈喇哈什一河而論水道記謂自出谷至額克里雅爾與東源會僅四百四十餘里里數不合似誤新疆圖說謂自發源至卡浪古托和拉一千六十餘里二河既會至和闐北界止又四百九十二里而喀什道圖謂自昌器滿達坂至和闐城一千一百里自和闐城至噶巴克阿克集一千三百餘里窮源竟尾共二千四百餘里若發源昌器滿達坂東南則更增三百里是遠於葱嶺河矣漢時指于闐河爲黃河源以河源所出名曰崑崙則今昌器滿達坂卡拉胡魯木達坂爲古崑崙無疑通典謂漢武帝所按古圖書

卽禹本紀竊謂穆王西征必有圖書留遺爲秦火所不及者至漢猶存天府故重之曰古似未可以禹本紀概之西域圖志水有主輔以樹枝爲主而達利會之樹枝玉璫哈什也若以河之源流長短相較自應以哈喇哈什爲主矧出自崑崙也惟入溫宿境後至噶巴克阿克集尙有五百餘里其間村莊地名從無圖說可攷殆皆沙磧歟

卡押坤海子 新疆圖說卡押坤海子在和闐城西北四百三十里與葉城各半分轄按水道記羅布淖爾受水圖於阜窪勒河之西披雅爾滿台之北有伊斯庫爾淖爾或謂卽伊西洱庫爾淖爾非也伊西洱庫爾淖爾卽葉什勒庫勒淖爾在蘇滿南拔達克山東北見西域圖志水道記之伊斯庫爾淖爾卽卡押坤海子也今與皮山分轄

以上和闐小水

于闐河

克里雅河

克里雅

一作克勒底雅  
一作克爾雅

河發源于閩南山伊西里庫爾

一作克什勒底雅  
一作伊西里庫爾

克里雅河在于閩城東五里源出縣境極南與後藏連界之克里雅山中有海子曰伊克池卽伊西里庫爾淖爾西域圖志克爾雅郭勒源出克爾雅城東北山中南流經二百餘里通葉什勒庫勒葉什勒庫勒源出南山中周廻成大澤克爾雅郭勒南流入之新疆圖志克里雅河在城東五里源出前藏後藏亦和藏之西大冰山下伊西里庫爾水道記克勒底雅山千餘里淤沙積雪烟瘴逼人冬夏不可行水發山中北流經克勒底雅城東于閩鄉土志克里雅河發源克里雅山克里雅亦作克勒底雅在縣境極南有路通後藏西藏志云自衛藏北行三十四日至納克產又十五日至書隆沙爾又十八日至克勒底雅卽此山之西南有伊爾里克淖爾水自淖爾溢出是爲克里雅河初源唐書于闐今之東三百里有建德力河河東有建德力城亦曰拘彌

城卽寧彌故城唐西域記婁摩川東入沙磧行二百餘里至尼  
壤城周三四里在大澤中西域圖志謂婁摩川爲今車噶城西  
境之河由是東行二百餘里爲尼壤城當卽今克爾雅城大澤  
卽今葉什勒庫勒應卽西域傳之建德力河其東卽古拘彌國  
地按克里雅爾城卽今之于闐縣城與克爾雅河皆以克爾雅  
山得名卽建德力河亦卽婁摩川西域圖志謂尼壤城卽今克  
爾雅城非也古尼壤城尙在今于闐克里雅河之東二百里車  
噶城在和闐東南克里雅河在車噶城東北于闐城東車噶以  
西之水皆在今和闐境內尼壤城更在婁摩川之東故云東行  
二百餘里若將婁摩川置諸車噶以西則應云西行矣古拘彌  
城在克里雅河東岸西域圖志誤以克爾雅城爲尼壤城不知  
尼壤城更在東也于闐新圖著之甚明尼壤城大澤卽今烏魯  
克沙衣河下游葉什勒庫勒在其西南數百里外不能混也水  
道記引西域記罽薩日那城東南百餘里有大河西北流國人

利之以用溉田以爲卽今克勒底雅河非也古之于闐今之和  
闐西域記所謂城東南大河西北流者卽今玉璫哈什之下游  
恰西北流旣云國人利之必近城之地不能舍玉璫哈什而遠  
求之克里雅也和闐于闐南山北麓之水皆北流無南流者南  
高而北下也西域圖志謂克爾雅郭勒南流通葉什勒庫勒是  
將源流倒置矣亟應更正于闐新圖克里雅山在河源西北在  
伊克池東北羣山叢雜北自普羅莊代克壘  
河之西南有一路穿各莊曲  
折而南直至克里雅山南麓復折而西沿伊克池北岸而行再  
西踰玉璫哈什河源西域多山必循山之低窪處路始得通路  
所出卽水所經也各河皆然葉什勒庫勒有謂卽葉什勒庫勒  
淖爾者非也葉什勒庫勒淖爾西域圖志舊音伊西洱庫爾淖  
爾在布隆庫勒西四十里水勢深廣萬山環繞北通安集延西  
限葱嶺南抵拔達克山副將軍富德窮追逆回波羅泥都霍集  
占至此二酋授首淖爾之上勒碑紀功至今碑座尙在而碑已

失爲阿爾林之爾帕米爾地東距和闐一千餘里何可混也

出源北流又東北流流水山之水自東南來注之

克里雅河出源北流經克里雅山東麓東北流又經科可牙達坂之東又經蘇巴什罕闌干又經卡雅烏底卡馬洛克大橋之東北流又經罕雅依拉克阿子東又經伊下克阿提東北有一水發源流水山經流水莊西西北流入於河鄉土志流水山在縣境南產礫子石水出山中淺狹曲折北流入大河

又西北流普羅山之水自西南來注之

流水山之水旣入又西北流有水發源普羅山北麓東北流經普羅莊北又東北流入於河卽泡洛水也新疆圖說泡洛水在城西南一百四十里其水有二支源出本莊南達坂北流七十里至泡洛莊折而東北流一百三十餘里與克里雅河會鄉土志普羅卽勃律之轉音蓋古大勃律之界也在縣境正南有二水一出正南山中曰帖拉克一出迤西南山中曰庫下拉合流

出普羅山東北流與大河合按泡洛普羅均勃律之轉音也

又東北流經博瓦子闌干南向北分一渠又東北流經流水莊南分一渠

普羅山水既入折而東北流向北分一渠北流又分爲支渠四鄉土志二渠在河北岸西渠經博瓦子闌干莊分支渠四一東北注斯卡太石滿莊綽和拉莊一西北注昆巴莊一北注塔哈太石滿莊又東北流向北分一渠北流又分爲支渠五其東北二渠夾于闕城北流詳見鄉土志

又東北流分二渠

鄉土志渠在河之南岸折而北流注白什多洛可莊止又一渠環抱阿雅莊行二十餘里仍入於河

又北流經于闕城東又北流阿羌山之水自東北來注之

阿羌山亦作阿仙山在于闕治南三百二十里水出源北流經仙莊東又北流經喀喇庫木什莊西白什多洛可莊東又北流

又西北流經自新莊南入於河鄉土志阿羌山水出縣南阿羌山中北流經縣東喀什庫木什莊折而西北流入於河古拘彌城在河東岸今于闐縣治在河西岸

又北流皮介山水合喀喇布拉克水圖木牙水自東來注之

皮介山在于闐治東南三百五十里喀喇布拉克山在治東南三百八十里圖木牙山在治東南四百一十里皮介山水北流微偏東喀喇布拉克自東南入之又北流圖木牙水北流注乙斯玉洛滾闌干中分一支入皮介水卽乙斯玉洛滾水新疆圖說乙斯玉洛滾水在城東一十五里源出吐木牙山曲折北流二百里伏於戈壁鄉土志皮介山水出皮介山北流喀喇布拉克水自東南來會喀喇布拉克水出山西北流入皮介山水又北流圖木牙水自東南來圖木牙水出圖木牙山北流分二支一北流注乙斯玉洛滾一西流入皮介水三水合流經威陀拉克莊折而西經自新莊又西入大河

又北流沒於沙磧

皮介山水既入之後又北流東岸爲大戈壁村莊皆在西岸又北流經博坦東又北經帖瓦額黑勒東又東經麻扎東又北經塔卡哈東又北經卡斯坎東又北經密沙奈東又北經畢闌干東又北經玉汪昆東又北經阿克恰特東又北經塔什肯東又北經和什卡瓦什提東又北經托巴克威力根東又北經辟恰里克東又北經玉吉別得多可東又北經博斯坦托和拉克東又北經窩托奇東又北經吉格得庫多克東又北經克哈什東又北經庫木洛可東又北入沙雅縣境沒於沙磧河雖北流而間偏東西甚爲曲折新疆圖說克里雅河出伊西里庫爾東流二百里至罕闌干折而北流二百五里至流水莊又流一百五十里至駁瓦子闌干折而東北流二百里至城東折而北流四十里至巴各吉格旦又流六十里至雪底拉又流六十里至殼可吉格旦又流一百里至巴司古又流六十里至車古買里又

流一百里至昆巴拉特又曲流百里至羊大可梭洛和又流八  
十里至國棟庫依洛可又流九十里至其里竿思竿又流六十  
里至可押拉可水源至此伏於戈壁于闐鄉土志此河發源至  
縣城千二百餘里夏漲冬枯不通舟楫灌概之利實攸賴焉又  
北流約千里始入沙磧沿河有草土人資以畜牧再北則彌望  
沙漠寸草不生按克里雅河新疆圖說謂長一千四百里鄉土  
志謂約二千二百里而沿河莊名鄉土志與圖說均不符前後  
二十餘年各莊遷徙廢興固所必有而譯音傳誤恐亦不免水  
道記以此河經城東北流三百里入大河塔里木河羅布淖爾所受水  
第西圖以此河列在于闐河焉耆河之東東流入額爾勾河又東北  
流入塔里木河非也新疆識略水道表列爲伏流鄉土志亦謂  
此河古今不入大河庫車廳舊圖其南境卽今之沙雅縣尙有  
伯什牙克一水自西而東橫亙塔里木河之南克里雅河至庫  
木洛河北已沒於沙並不及庫車南境安能逾伯什牙克而入

於塔里木也自以鄉土志不入大河之語爲是

卡牆河

卡牆河有三源一源出烏魯克蘇一源出阿格塔克一源出阿里雅拉克匯爲卡牆河

烏魯克蘇山在于闐縣東南二千四百餘里水出山東北流與阿格塔克水合阿格塔克山在縣東南二千五百餘里纏語謂後爲阿格謂山爲塔克猶言後山也鄉土志其地產金積雪不消瘴癘亦甚惟夏月可採金水出山西北流與烏魯克蘇合入阿里雅拉克水阿里雅拉克山在縣東南二千六百餘里水出山西北流與魯克蘇阿格塔克二水合三水合流爲卡牆河卽古且末河也水經注南河又東逕且末國北又東會阿耨達大水釋氏西域記阿耨達山西北有大水北流注牢闐海其水北流逕且末南山又北逕且末城西又曰且末河東北流逕且末北又流而左會南河會流東逝通注濱河注濱河又東逕鄯善

國北其水東注澤澤在樓蘭國北彼俗謂是澤爲牢蘭海按南河逕且末國北又東會阿耨達大水大水今和闐哈喇哈什河河出崑崙卽阿耨達水也牢蘭海卽羅布淖爾其曰且末河東北流逕且末北左會南河者乃指且末河而言卽今卡牆河卡牆河下海卽注濱河注濱河又東經古鄯善北始入羅布淖爾水經注本自分明後人引之多未了然唐書地理志度且末河五百里至播仙鎮高居晦使于闐記又西度陷河皆指卡牆河也鄉土志謂古人出陽關赴于闐必由鹽澤度且末今由卡牆至羅布淖爾亦度此河以爲卽古且末河之證極是

西流經摩拉布拉克山覺可沙衣水跳提勒水自南來注之

摩拉布拉克山在于闐東南一千九百餘里河經其東覺可沙衣在于闐東南一千七百餘里水出山北流跳提勒山在于闐東南一千五百二十里水出山北流皆入於河

又北流經卡牆西西分三渠東分一渠

三渠在河西岸一名托和拉克西流折而北又分支渠五一名吳里克西流折而北注本莊止一名覺若枚牙西流折而北又折而東北分支渠四東岸一渠東北流注阿雅奇莊止詳見鄉土志

又東北流入婁羌縣境匯於羅布淖爾

自卡牆西折而東流經阿雅奇莊東北麥奈莊南又東經古且末國南又東經塔提朗雅沙拉克狄敏克海之南又東流經布和拉克東南折而東北流經恰盤卡底塔底克西北塔底克東有界牌爲于闐婁羌交界處又東北流入婁羌境經卡牆西又東流經沙山戈壁之南又東經婁羌縣北羅布莊南九十二里又東經羅布驛南又東經七克里克莊東南入於羅布淖爾羅布驛北距破城驛九十里又北距托和莽驛六十里又北距葉爾羌河尾九十里卡牆河在和闐河之東與南河同入羅布淖爾和闐河匯於南河與水經鄭註悉合西人游歷者亦謂此河爲且

末河于闐鄉土志此河自發源至卡牆約一千三百餘里由卡牆入羅布淖爾約千有餘里雖不通舟楫夏漲而冬不枯竭李氏恢垣西域圖考疑且末河卽克里雅不知克里雅之水並不入大河且漢書載且末拘彌明係兩國李氏以克里雅城當拘彌又疑克里雅河爲且末河未免自相矛盾所辨極是姑羌縣新圖其西境之河入羅布淖爾者惟卡牆河葉羌河葉羌河卽古城斯克河塔里木河之下游也其葉羌河尾之北又分出一水爲緞列克河西境別無他水來會可見克里雅河不入羅布淖爾審矣

### 策勒村河

策勒村河發源喀喇塔什山曰喀喇塔什河

新疆圖說喀喇塔什河在于闐城西二百八十里其源出塔彌梗莊南冰山下鄉土志喀喇塔什山在縣治西南四百五十里產金源出山北塔彌梗莊南之冰山卽喀喇塔什也

東北流色勒克布隆水合窩陀拉克水自東南來注之

鄉土志二水均發源於喀喇塔什迤東南山中色勒克布隆水西北流窩陀拉克水自南來合而西北流入喀喇塔什水

又北流阿拉隆伊拉克水覺克伊拉克水自西來注之

鄉土志二水均發源於喀喇塔什迤西之帖克里克山中東流入喀喇塔什水于闐闐僅列帖克里克一水西北流無所謂二水也  
又北流經阿希闐干曰阿希河

鄉土志闐干華言卡倫也在河之東居民引水耕地漸成沃壤  
又北流經阿瓦卜闐干

北流至阿瓦卜闐干甚曲折鄉土志闐干在河之東居民寥寥  
又北流經策勒村爲策勒河分二大渠

二渠分流四爲窩和勒克等五莊幹渠東爲麥哈馬等四莊幹渠西渠北流分支渠六東渠北流分支渠四詳見鄉土志

又北入沙磧

新疆圖說策勒河發源北流一百一十里至阿西又曲流八十里至阿西爾開干又流一百七十里至策勒村又流二十里伏於戈壁鄉土志此河發源至策勒村約五百餘里又百餘里卽伏流夏漲冬枯不通舟楫

固拉哈馬河

固拉哈馬河發源卡依拉乞莽山曰沁美勒克河

卡依拉乞莽山在縣治東南五百餘里鄉土志在努勒村南水源出山北

北流經安壩莊曰安壩河

鄉土志安壩莊距雪山近水草饒足居民且耕且牧

又北流經恰哈莊曰恰哈河

恰哈莊在塔克努明巴札西恰哈河卽塔克努喇村河也新疆圖說在城西三百十里源出安壩南冰山下北流一百里至本村西折而東北流鄉土志恰哈莊卽塔克努也南爲努勒村適

中之地土人又呼爲恰哈水

又北流經固拉哈馬河西分一渠

鄉土志固拉哈馬在策勒村東四十里渠水至艾根莊止

又北流西分一渠

渠名牙魯斯坦西流折而北分支渠四幹渠又東北流與河合  
詳見鄉土志

又北流有泉水自東南來注之

泉水出固拉哈馬東南六十餘里草湖中西北流入於河泉水  
之東亦分數渠詳見鄉土志

又北流西分二渠東分一渠

鄉土志西二渠水均西流東渠水東流

又北流入沙磧

鄉土志此水發源至固拉哈馬約六百餘里因有泉水雖夏漲  
冬消不盡枯竭新疆圖說自塔克努喇村西折而東北流二百

二十里至古拉木八札又流六十里伏於戈壁古拉木八札卽于闐圖之固拉哈馬巴札

潘拉克水

潘拉克水發源阿克恰克勒山北流經烏魯沙衣曰烏魯沙衣水阿克恰克勒山在于闐西南六百八十里水源出其北北流經烏魯沙衣莊東

又北流努拉山水合沙衣巴克水分支來注之

潘拉克水北流經魯沁闌干東雅可托和拉克西又北流努拉水合沙衣巴克水分支自東南來入之鄉土志謂又北流分二支一東北流歸達木溝一西北流合此水歸潘拉克于闐舊圖無此二水

又北流合伊里月艾根泉水

鄉土志泉出潘拉克南四十餘里

又北流分二渠東曰奇里克水西曰西瓦克水

東渠北流注奇里克莊曰奇里克水西渠北流經潘拉克莊之西注西瓦克莊曰西瓦克水鄉土志潘拉克在縣西一百七十里

又北流分一渠曰增丹克水又北流入沙磧

河西岸分一渠名增丹克水西北流鄉土志此水自發源經潘拉克入沙磧約六百里夏漲冬枯僅資灌溉

達木溝水

達木溝水二源西源曰努拉山水東源曰沙衣巴克水

努拉山在于聞西南六百餘里水出源北流經努拉莊東沙衣巴克山在西南五百餘里水出山北流經沙衣巴克莊西卽沙衣巴克河以努水也新疆圖說沙衣巴克河在城西一百三十里其源出本莊南冰山流一百五十里有以努水自南入之合流一百三十里經尼額蘭干伏於戈壁

又北流分支入潘拉克木又北流細墨喇水分支來注北流向西

北分一支入潘拉克水又北流細墨喇水分支自東南來入之鄉土志細墨喇山在縣治西南四百餘里水源出山北北流分二枝一東北流合喀喇蘇歸罕蘭溝一西北流入此水

又北流與泉水合又北流經達木溝分二渠

鄉土志二渠一在東岸東北流折而北分注民田又折而西仍與水合一在西岸西北流折而北分注民地止不流

又北分一渠又北流入沙磧

水西岸分一渠注麻拉哈喇罕莊西流折而西北流注麻拉哈喇罕小莊止不流鄉土志此水自發源至達木溝入沙磧約六百餘里夏漲冬枯僅資灌溉

罕蘭溝水

罕蘭溝水發源細墨喇山北流

細墨喇山在于關西南四百餘里源出山北北流經細墨喇莊之東又北流分一枝西北流入達木溝水新編圖說細墨喇河

在城西一百十八里其源出本莊南冰山北流一百八十里有哈拉闌干水自南入之又流七十里至罕蘭驛又流五十里伏於阿克雅牙衣列哈牧場鄉土志分二支一西北流歸達木溝一東北流爲罕蘭溝初源按細墨喇山爲罕蘭溝水初源其達木溝水乃二源直北流也哈拉闌干水卽于闐圖之雅闌干水在罕蘭溝水之東泉水北流經雅闌干西北流至拉衣素莊東北止恰與阿格水東西相直

又北流合喀喇蘇

鄉土志喀喇蘇纏語猶言泉水也出罕蘭溝南六十餘里

又北流分一水又北流經罕蘭驛北分一渠

鄉土志罕蘭驛在縣西一百二十里水北流經驛東于闐圖水經罕蘭驛東南向西分一水西流合泉水折而北流又東北流至闌干公地止罕蘭溝水又北流至驛東北分一渠西流注阿格莊止焉

又北流分一渠又東北流分一渠又北流入沙磧

一渠在西岸北流向西分枝渠二一西流注布拉塔莊止一西北流注坎底和拉十莊止正渠又北流至托和拉克莊南止一渠在西岸北流向東分枝渠二一東流經白什托和拉克南仍與水合一東北流注麻札莊止正渠又北流至吐支柯子拉克莊止罕蘭溝水東北流又折而北流伏於沙磧鄉土志此水自發源至罕蘭溝北入沙磧約三百餘里夏漲冬消僅資灌溉按于闐西潘拉克達木溝罕蘭溝三水出源後支水往往相通下流支渠更多新疆圖說源流固未了然卽鄉土志較加精覈於三水源流亦有相混處謹依于闐新圖將三水界限量爲分劃于闐知縣賀國棟所著也

### 尼雅河

尼雅河二源一源出狹馬山一源出恰哈提山合而北流曰烏魯克沙衣河

新疆圖說尼雅水在于閭城東二百四十里其源出大金廠南  
恰哈底山爲烏魯沙衣河鄉土志俠馬山在縣境南水源出山  
北恰哈提山在俠馬山迤西水源出其北東北流

又北流逕蘇拉瓦克西又北流經英爾瓦提西

鄉土志蘇拉瓦克卽大金廠迤北三十餘里其地新開大金廠  
較大金廠尤旺

又北流經尼雅爲尼雅河東分三渠

尼雅巴札卽古尼壤城也新疆圖說烏魯沙衣河北流二百里  
至尼雅莊鄉土志三渠在河東岸一曰卡拉馬可多克一曰恰  
列克一曰南排均東流南排又分支渠曰塔勒克北流過尼雅  
巴札東注民地

又北流有他位竿水自南來注之又北有薩拉衣水合乙也水格  
子布拉可水自東南來注之

新疆圖說至尼雅莊又流三十里有他拉竿水自南來入又流

三十五里有薩拉衣水合乙也水格子布拉可水自東南來入于闐新圖大河北流其西又分支河西流折而北又折而東與大河合支河之東分二渠曰色勒卜曰坎色勒卜均北流注民地仍入支河尼雅河下游東岸但分三渠以上並無支水舊圖尼壤之東初匯他拉竿水又匯薩拉衣水匯拉衣之東乃乙也格子布拉可合而來匯爲新圖所無

又北流經大麻札又北流入沙磧

鄉土志麻札相傳爲回教始祖摩哈默德之女嫁阿札提阿里生子亦麻木玉遜亦麻木玉遜曾孫結比沙大克於回教紀元一百五十二年因爭教行兵至此戰敗身亡遂葬於此纏回來謁者甚衆尼雅河據新疆圖說發源北流二百里至尼雅莊又流一百二十五里伏於戈壁鄉土志發源至尼雅約三百餘里卽伏流夏漲冬消僅滋灌溉

安得月河

安得月源出南山多源匯爲三源

安得月河西源曰喀喇沙衣水出喀喇沙衣山北北流又東一源曰于子塔哈山曰克子里雅山二水北流合而爲一有三加水自南來匯爲波斯坦托合拉克水克子里雅山之北有阿斯敦塔哈山北麓有三水一曰克寄克色干一曰穹色干一曰博和布拉克同北流入於波斯坦托合拉克凡六水匯爲一源又東一源阿布山北流之水曰和布拉克水奇底里克恰克勒山北流之水曰威鴉衣拉克水合而西北流入於波斯坦托合拉克波斯坦托和拉克卽阿里坦郭白河也新疆圖說在城東五百三十五里其源出阿拔坦南山北流一百四十里至安得悅牧場又曲折西北流一百八十里伏於安得月莊北戈壁喀喇沙衣水卽哈拉沙衣水新疆圖說在城東五百二十里其源出鐵格列克山北流一百里伏於戈壁于闐圖經喀喇沙衣莊東北入於波斯坦托合拉克威鴉衣拉克水卽蘇格得河新疆圖

說在城東五百八十里其源出小金廠南色勒克安思山西北流三百里至麥加可流一百五十里至哈馬阿攸再流四十里伏於戈壁

三源既合北流爲安得月河又北流伏於沙磧

三源合而北流至安得月東卡瑪哈斯西曰安得月河鄉土志安得月在縣境東七百餘里爲尼雅赴卡牆之路雖有地可耕然土曠人稀水利未興又北流沒於沙磧鄉土志此河自發源至安得月入沙磧原止五六百里因渠道未開近年下游衝刷日甚河流漸遠然河身淺狹夏漲冬枯不通舟楫按于闐以東之河爲安得月河水源最多蓋南山自喀喇沙衣以東北流之水均流入也卡瑪哈斯卽新疆圖說之哈馬阿攸

阿必多六水 新疆圖說阿必多六水在城東七十里其源出必佳山北流一百二十里伏於戈壁按于闐新圖無此水審其方域應在克里雅河之東克里雅有支河發源皮介山必佳當

卽皮介之轉音謹據新疆圖說補入

英豈介水 新疆圖說英豈介水在城東四百里其源出爾塘山曲流一百三十里伏於戈壁按于闐新圖無此水應在烏魯沙衣河大金廠之東謹依新疆圖說補入

哈爾哈什河 新疆圖說哈爾哈什河在城東三百八十五里其源出托闐烏佳南大金廠東色勒克安思山北流一百八十里至一闐烏佳又折而西北流一百八十里至牙通古斯又流四十里伏於戈壁按此河爲于闐新圖所無應在英豈介水之東謹據新疆圖說補入

巴爾瑚圖河 新疆圖說巴爾瑚圖河在城東七百八十里其源出小金廠東南拉木奇敏山北流一百里至密提河又流一百二十里有托和巴衣水合哈拉敏水自東南入之又流八十里伏于哈拉敏戈壁按于闐新圖無此河應在安得月蘇格得河之東謹據新疆圖說補入

冲色洛各其水 新疆圖說冲色洛各其水在城東一千里其源出克拉克山北流九十里伏于戈壁按于闐新圖無此水應在卡牆河西北謹據新疆圖說補入

阿祥水 新疆圖說阿祥水在城東一千一百三十里其源出古拉克山北流一百里伏於戈壁按于闐新圖無此水應在一山千水之西謹據新疆圖說補入

一山千水 新疆圖說一山千水在城東一千五十五里其源出古拉克山陰北流一百里伏於戈壁按于闐新圖無此水應在冲色洛各其水之東謹據新疆圖說補入

吾大其水 新疆圖說吾大其水在城東一千二百里其源出南山北流一百五十里伏於戈壁于闐新圖無此水應在一山千水之西謹據新疆圖說補入

江干沙衣水 新疆圖說江干沙衣水在城東一千四百七十五里其源出阿里哈屯山北流八十里伏於戈壁于闐新圖無

此水應在卡牆河之南謹據新疆圖說補入

鄂和西河里水 于闐鄉土志鄂和西河里水發源鄂和西河  
里莊南五十餘里草湖中北流經西河里闐干又北流注鄂和  
西河里止不流

以上洛浦于闐小水